

張南通先生榮哀錄

冊三

THE UNIVERSITY OF CHICAGO

1968

張南通先生榮哀錄

榮哀錄八

誄詞

存歿濠陽老。相關豈一州。苦心全實業。絕筆障洪流。公子才能繼。

前病

計畫江淮水利撰
文示諸嗣孝公

吾生泪以酬。消寒隔年會。慟不續南廬。

徐鋈

文章光燄動星躔。經濟聲華邁往賢。江左霸才當亂國。淮南正氣柱中天。畢生艱苦留村落。百世謳歌屬鐵棉。大業垂成天際去。狂潮夜鬪海西田。

左衽披髮事堪危。宣教勤民未許遲。安定學風求世用。村宗弟子作人師。幾從經席窺心法。未惜神斤斲鼻溜。跼蹐至今應涕淚。曾排衆口識憂疑。

易作霖

區區詩句受公知。此日何圖淚報之。痛哭惟應焚筆硯。從今吾淚卽吾詩。

夢回乍覺風成海。推枕驚聞雨似潮。天亦欲酬人涕淚。天人悲恨雨

難消。歟日大
雨風

吳棹

一陣西風撼薜蘿。壽星下隕雨滂沱。公今棄世逍遙去。天亦如人涕淚多。四海同聲悲泰斗。千秋遺恨定山河。狂瀾從此誰能挽。忍唱當年瓠子歌。

精英舊炳五山靈。知得東坡是歲星。帥節曾隨吳玠出。臚傳欣共蔡齊聽。在天霖雨恩咸被。亂世風雲變屢經。用舍不忘憂樂計。一身一邑總模型。

老輩風懷篤友于。故園歸憩兩相娛。百端合力籌桑梓。三徑濃陰滿竹蒲。高會耆英雙壽者。大江南北一名都。後賢更有乘槎客。萬里煙波騁壯圖。

我戀名山未肯拋。七年小借一枝巢。每乘佳會陪旌節。不棄庸才算斗筭。人到秋初驚忽逝。詩成月下更誰敲。感恩從此惟餘淚。忍再閒遊出近郊。

蔣炳熙

等霸期王負俊才。應龍飛處一聲雷。縱無鄧禹奇功在。足試瞿曇活手來。

昌黎雲與孟郊龍。文字狂歡卅載中。今日都來成一錯。奈何淮月奈江風。

金澤榮

列宿曾依日月光。兩朝白髮老滄桑。東山伯仲聲名大。西漢文章筆力昌。未許經綸包宇宙。尚留衣被徧江鄉。平生空願酬知己。獨立蒼茫淚萬行。

張 竣

道德文章薄海欽。世風頽墮嘆而今。一州草木都沾澤。萬里菑畲若望霖。桃李含芳矜寵渥。芝蘭毓秀仰喬蔭。箕裘有紹堪娛老。七寶三垂耀上林。

吾生何幸出南州。得坐春風廿一秋。辭接顏承勞夢想。詩清名噪賴公收。樊遲稼事徒呼負。龔遂襟懷未願酬。更欲程門重立雪。倏驚斗落滿腔愁。

俞吟秋

記我初識翁。翁年五十二。快若平生懽。相勗四方志。讀書在有用。但戒不習吏。馮依皆自爲。侃侃日論議。本州苦經營。閒亦及國事。我懷翁所知。許不爲物累。乙卯翁在都。南歸警宵寐。呼鐙起寫詩。晨發出相示。合眼此十年。愍亂若五季。翁歸不再出。邱壑頗自恣。五月翁生朝。觥祝我一至。猶言養高德。庶可息傾詖。咲慰雜嘲弄。爰居鐘鼓避。國非不可爲。貨惡棄於地。別來甫聞病。凶問遽愕眙。論定在蓋棺。詩成未收淚。有材舊蚤施。垂暮簡旁嗜。此語可長生。慟哉今永闕。

巍巍德業冠時流學術經綸世莫儔巷哭人懷羊叔子豈徒惠愛在南州

討罪會盟深寄慨幽居國是未能忘獲麟竟絕春秋筆遺簡重繙倍

感傷公避暑南山梅蛇林以近作呈正中有感時一章公爲易一聯

事也殆公之絕筆矣

斥鹵經營廿七秋從公兕角服田疇敢當海上詩人譽杖履春光慟

不留

謳歌欲採輿人誦計報驚傳多士哀白馬陽侯亦來奠連朝波浪聽

喧阗

公歿之日海潮湧連三晝夜而不害隄防意者海若有知亦來弔奠耶

齊國琳

天河牛女別經旬南望文星隕海濱梨棗待編耆舊傳璫璣頓失廟

廊珍勳名死後堪垂統著作生前況等身晉國彌留無所憾午橋軟

碧念游鱗

廣平才調賦梅花風度端凝擅物華豈與凡禽爭枳棘但歸故里課

桑麻十朝取士君爲最千佛名經世所誇宰相山中推李泌浮榮早

已薄烏紗

遺書致富慕鴟夷此意人間恐未知桑泉萬家沾厚澤漁鹽四海立

宏規牛羊不失肥甘養龍馬能權子母宜自媿步趨成一蹶五湖何處載西施

諸儒泰斗拜昌黎聲價由來重品題海內菁莪尊領袖門前桃李雜冠笄懸知私諡皆心服差幸名言已耳提元禮典型今忽失南州祭酒有餘淒

虎觀談經萃議郎三山旗鼓憶相當公卿折節收輿誦黎庶聯鑣籲憲章鼎革應聲來草莽陸沉橫涕感滄桑投餐適館羅羣彥情話依依意更長

摩挲元祐黨人碑時與溫公杖履隨十郡不才分片席千鈞無計續秋絲羣英漢上曾題集幾度長安共看棋復社衣冠星散盡河房燈火不勝悲

五材並飭舊司空貨殖農桑輔考工啖蔗故應甘到老種棉多感惠無窮未遑煖席偏高蹈早遂初衣有苦衷問道於盲慚愧甚芻蕘倘許鑒孤忠

博望乘槎探斗牛長風萬里逐浮鷗何輪茶馬通邊境豈羨神仙訪十洲同軌恍如車輻輳譯鞦不廢語鉤輅春申有約游羣島過眼都成水上瀛

回首吳淞惜寸陰禹功千載試追尋五都闐闐謀售璞萬國梯航議

獻琛爭奈烽煙猶四起。無端風雨竟相侵。懋遷百願都成負。流水高山孰聽琴。

風雅三吳獨主持。選樓曾許借鷦枝。元章移舫裝真蹟。信本停鞭讀古碑。無那壺觴荒社事。不堪杖履失花時。摩挲學士登瀛集。騎鶴徒縈去後思。

一紙家書論治河。古今原委戒偏頗。政逢新貴商傳硯。及取殘年看止戈。大地蛟洪驚肆虐。南天薤露愴聞歌。獲麟絕筆繙遺墨。文正湘鄉不足多。

佳兒頭角最崢嶸。海內文章負盛名。陟岵幸能親侍奉。旌閭羨煞備哀榮。一秋草木皆含淚。千里絃歌亦輟聲。遙奠且傾燕市酒。寄詩怕觸蓼莪情。

施景琛

百六逮貞元。雲雷象尚屯。誰人踰日月。吾道繫乾坤。文武九經政。德年三達尊。新民同壽富。歌壤海東村。

師以村落模範爲主義收句本此

吳鳴麒

十年教訓稷壇圖。荀禮言行景大儒。遺像清高天始肅。傳薪村落地誰徒。湮槃秋禊遲三日。啟母嵩陽闢一孤。會有兩楹陳國奠。永瞻獨立世全蘇。

顧元弼

范隄烟柳賜分題楮墨先生手自攜曾記年時春節過一船明月醉

西溪王欣甫大令嘗聘公為東台都講銘猷初為門下士

行年四十贛中游風雨江天兩鬢秋博得司農親手寫彩牋嘗鑑到

山舟銘猷權樂平縣篆公派部員至樂平籌辦糖業公司時以梁山舟墨迹奉呈公賜題句

桃花侍坐斗星明玉碗西餐七寶羹酒綠燈紅秋樹晚白頭媿煞老

門生上年晉謁蒙詒詩集公與退庵世文同作主人召宴於桃館猷忝首座公以老門生呼之銘猷時年六十許矣

題圖惠及小入母大楷超然常熟翁晉籀秦書傳世寶孫孫子子拜

南通家慈山衙訓子圖承題語於卷首願永保之

乘風破浪海天涯旄節張騫萬里槎王謝對之有慚色翩翩公子賦

黃華陳子星南以士學集見詒讀之信有家法焉

功業文章寰海範泰山梁木我哀思豚兒亦解感恩澤淚灑西風母

里師兒子紹棠嘗受教於母里師範學校

戈銘猷

名滿乾坤事滿肩半身粗糲傲時賢江淮憂樂關天下朝市滄桑感

暮年一代人才青史冠五山風景白雲眠文章經濟均千古更有南

通兩字傳

沈恩孚

十年有願接公顏。欲見終成一面慳。明允未曾堪世用。希文忽已去人間。大江皓月炤千古。喬木秋風空五山。家隔崇川才百里。渴來怕過故濠灣。

宗孝忱

天階月冷山鬼泣。玉樓有詔催何急。文星一旦返瑤闕。五山草木憂咸集。生生死死原有因。晚年好佛自娛春。栽得梅花三萬本。儘耽詩酒作高人。少年辛苦京華走。隨營閒看青青柳。果然奪得錦標歸。第一文章冠牛斗。不戀功名不愛錢。還家爭說二疏賢。江湖鼎沸時局變。傷心末世多烽烟。地靈人傑從來說。手培桑梓腸獨熱。不教孤負好山川。猷爲一一無完缺。兄官江西亦乞歸。庭前棠棣相交輝。二老俱爲天下望。蠶桑滿飼禾苗肥。功在一邑名在世。東南保障勛難替。文公才調足扶衰。起挽狂瀾占利濟。霖雨何須定出山。老輩身閒心不閒。一言一策時皆重。平生懷抱切痼癩。年華忽忽東坡老。嵩山名望長安道。明德之後有達人。重洋豔說乘槎好。我父江南久客遊。曾提鐵弩射潮頭。趨庭猶憶當時語。心香一瓣屬留侯。昔震公名今列侍。小草盤根欣得地。不圖蔭暍未三年。入夜壽星驚忽墜。狂風四起愁雲霾。酸心豈爲一人哀。萬方多難遺老死。瘡痍滿地誰救災。其存其歿關天運。蒼生從此更誰問。我來仰涕感慨多。萬山風雨含悲韻。

曾躡金鰲頂上來。何人不道謫仙才。少時憂樂關天下。老去心情寄
鶴梅。淮海魚鹽成利藪。門牆桃李遍春臺。中原元老凋零盡。救國誰
燃劫後灰。

李炎庚

人生感知己。知己實難得。獨坐每思公。涕泗沾胸臆。豫章翳衆草。徒
有排風質。人方賤蓬蒿。誰取擬樸楫。公乃斗星辰。岱華猶纖礫。先容
投夜光。按劍不遭叱。公非采虛聲。拂拭多怙怙。初見紫巖下。方袍獨
長揖。促鄰頻相語。開襟進翰墨。機鋒絕蹊徑。函蓋泯蹤跡。發端雖瀾
翻。歸墟要一漉。花鳥芳春晨。風月涼秋夕。胡床與麈尾。往往相叩擊。
自揮散花手。爲灑語梅額。至今白玉花。淩厲映霜柏。公常和而溫。我
實慙以直。周旋兩寒暑。唯阿所差出。驚俗由角圭。招魔信孤僻。香火
傍盤陀。黑風動潮汐。公惜察無徒。我悲道寡翼。鵬飛自負天。安得整
六翮。紛紛腹下毛。此輩意在食。苟飽懷異圖。固難望其力。九萬苦培
風。去年六月息。引退我自甘。違離公所惜。風雪有詩筒。親寄江天驛。
七十公大慶。四方湊壽域。瑤琳極煙馳。冠裳沛雨集。而我偃空江。竊
貢南山什。忽忽不稱意。海濱訪寄蹟。深踏雁湖雲。屢忘裘葛易。感觸
客裏多。愁膺每結緝。緘寄遊山編。散木笑社櫟。歸來又三年。一徑掩

藜藿警效恍在耳。景行恆思卽空外。忽傳音招邀。怵迫急。納履登崇
艦。夕照晚山碧。倚欄獨對月。霄迫心惕惕。未曙報入港。候館聽蟋蟀。
起居臥榻傍。握手儼疇昔。陰陽氣有沴。无妄疾貞吉。誰信坐箕夢。竟
絕春秋筆。管子天下才。豈僅一鄉邑。立達秉尼山。公又深入室。堯舜
病博施。談者多難色。思飢猶己飢。思溺猶己溺。公獨用其心。淵然見
禹稷。通海百里間。模範垂良式。村落苟還醇。大同此開闢。經營二十
年。苦心並歲積。國多不均患。戶鮮可封樂。蒿目睇四荒。風煙方慘戚。
娛情藉詩酒。慷慨彌悲激。此意少人知。秋風起蕭瑟。但求一方肥。不
惜一家瘠。坦蕩告令終。哀榮備五福。痛悼貫中外。老成凋倏忽。文采
照人心。精誠淪肌骨。婦孺掩面啼。泉石竦毛髮。克家欣有子。堂構煥
丹雘。楹書千百卷。卷卷康民術。坐讀起而行。公歡降且陟。綸緒本先
謀。藝穫在後述。華屋仰風徽。邱山俯精魄。何必定羊曇。始雨西州泣。
思公若大江。浩蕩滄海溢。好勒隳淚碑。置諸五山側。

靜 圓

風流頓盡一洲空。豈獨東南失鉅公。功罪蓋棺應論定。卽論實業已
稱雄。

少年書記已翩翩。老去吟懷更欲僊。公自關心饑溺事。承裘猶有後
人賢。

陸學煥

昔我年十六謁公濠之陽公獨許我詩置之弟子行北面五六年人事多倉皇嚴命授室歸春風一葦杭是時月在辰孟冬復登堂流涕別公去公也爲我傷竭來又三載熒熒走四方坐此念知己卽事何時忘今年山中旱秋至氣不涼俄傳大星隕草木咸歌商老成見凋謝國家誰紀綱江左失夷吾良史應能詳世味真如荼幾人容我狂俯仰天地間沈痛迫中腸作詩投黃泉憂來不成章此事久拋棄行已懼怠荒在天常默牖願得全愚剛他年過南州再拜墓道旁庶從孺子張安世字遊復攬名山藏林谿開精舍東奧憩舊莊田父日荷鋤滄海看成桑功成身則退此理有固當百年如轉轂來日添思量諸葛真名士公見最語無爲負此望

羅會銖

半壁摧天柱江淮黯夕陽台星淪斗笠魯殿圯靈光下士千秋感中原一鑑亡南山聞樂渺揮淚復登堂紫琅留信宿逝水惜年華佳俚神仙骨韋平宰相家蒼生沐霖雨綠野傲煙霞兜率真歸去疇攀雲外車

許兆鳳

嗇公親家治行文章負海內望去年三月南旋爲仲兄祝七旬

生日與公一晤於如皋再晤於南通私謂龍馬精神眉壽未
艾忽忽十餘月豈意纔哭仲兄又哭公耶撰聯寄輓意猶未
盡復成四律用寫哀思

鵜首天心醉雞羣物望空如何大星隕不障百川東
綿鐵紆籌策松筠晚耐冬孤寒多少淚掩袂慟終窮

水繪池塘燕先生策杖來二公縱談笑賤子獲追陪
英氣騰眉宇名言數闔枚差教吾魄壯懷抱一爲開

乙丑仲兄七秩侍先生談讌竟日

和仲歸神後樂城道益孤讀君方朔傳並見魯公書
豈料斯文喪誰爲衆說郭五山遊賞處轉瞬已黃鑪

仲兄之喪先生撰書像贊氣足神旺羣推壽徵

劫後秋容淡書香帶草長卅年唐氏閨千載鄭公鄉
但使吾謀用寧教國脈傷九京悲不作何處召巫陽

陳惟壬

風雨噎濠陽騎麟下大荒魂招梁甫館師表鄭公鄉
蒿目偏多淚蓬心用久喪浩然精爽在寧復有堂堂

鴈鴈秋陽暮勳庸勒鼎彝聞笳歌楚些三杭葦哽梁噫
遺愛思羊社憐才說項斯失聲天下慟匪獨盡吾私

越歲傷陳迹握衣快進趨辟徵遺賤子哀挽競諸儒
雲札猶存藁山居未補圖天平喪吾道文物黯東吳

負笈余生晚春風感沃聰萬流空仰鏡三立敢歌功安石因時作伊
川竟道窮如來最小弟終古拜南豐

袁 樊

近看宏景山中隱嶽嶽須眉四海知天下幾人共憂樂斗南此老繫
安危百年世運悲沉陸千古文章孰起衰至計至今說農獵江淮無
盡大名垂

冷 適

一夕秋風起哀音動四溟山中哭謝傅天上失張星名世關時數橫
流孰典型不堪梅垞月猶照五峯青
寰宇聲華藉貞元運會乖才高彌管葛力絀阻江淮大任天方降中
原亂已荻南州一邨落憑眺愴人懷
孔門籌富教夏后奠山川衣被東南浹絃歌庠序傳借柯權不屬障
簣計終懸行水非常事悽涼戒子篇

世皆惜元老我更慟經師舉國盲於學斯文繫在茲劫同秦火燒人
不伏生遺縱有恭王宅空聽竹與絲
幼歲居同里中年次及門文章知己感風誼友生敦驚俗慚東野尋
秋憶北園篋中詩藁在重讀欲銷魂

問字兼旬隔徵醫晦日聞爲傳謝親故未敢謁昏昕妖夢殷楹踐靈

光魯殿焚人亡邦亦瘁私痛復何云

劉偉

江海盤紆發地奇神功匹禹志同伊飛書絕國馳枚筆射策明廷擢
董帷專繪先迴季鷹棹耕蠶競泣猛龍碑傷心萬二千場話爲罷登
高竟古悲祗贏一萬二千場公九日詩也

夏寅官

博望星槎四裔傳勳名畫閣燦凌煙導淮賈讓籌三策翊漢留侯手
一編鶴駕徧調黃竹子狼山歸伴赤松僊心營八極身千古翹首龍
門輒黯然

曩於父執慣追隨問字門牆感受知萬軸楹書原有託九秋菡萏更
誰思耳鳴陰德徵容駟志繼長材聿奮髻莫爲椿彫過哀毀蒼生霖
雨衆相期

沈鈞

祭天遺像達精純淚眼矐町奕奕神萬朽終存三不朽一身可贖百
其身赤烏所謂今無輩白馬曾知昔有人曙後孤星明再啟佇看千
國軌車輪昔者縣學獎嘗白馬忽登堂同輩早日君異人

顧錫祥

勲業文章動九衢萬流齊匯仰冰壺祇今惆悵風徽遠大廈傾危孰

與扶

海上神山桂一枝。家聲奕奕仰宗師。曲江風節乖崖量。無限低徊動古思。

生爲河嶽沒星辰。旗鶴相迎返太真。無那飄搖風雨夜。橫流柱石失斯人。

蒼生霖雨望猶殷。忍令哀音四海聞。極目霜林殘照晚。萬山紅淚灑秋雲。

王開疆

仁義豪爽著生平。獨據鰲頭炤耀瑩。畢露鋒銑倡變法。初奏奇功創大生。無心利祿專棉鐵。有志終須事竟成。翰墨詞章驚龍鶴。唾咳揮灑盡瑤瑛。

多能博學重理財。締造艱辛偉業開。精心效古成時傑。立志能迂真大才。全國駭聞公謝世。通民流淚慟樑摧。寂寞狼山雲深處。草木含悲風雨哀。

張獬甫

早向濠陽繫釣舸。江東忽貫老人星。世尊魯國靈光殿。天圯元家野史亭。聰訓有文貽子弟。耆英寫像上丹青。琴徽已斷風流寂。回首枌榆失典型。